

MELAO

YE LESOME



MAPULA MARTHA MALATJI

Diswantšho ka Jonanda Kannemeyer

MELAO YE LESOME

© 2023 One Heart
Kgatišo ya pele 2023
E gatišitšwe Afrika Borwa
ISBN: 9781776475520

Puku e ka phatlalatšwa ntle le tefo, efela go kgahlanong le molao go e rekiša. Puku e humanwa go www.oneheartforkids.co.za.

Ka tumelelo ya bagatiši, puku e ka abelanwa ka go gatišwa, go fotokhophiwa goba ka mokgwa wa eletroniki. Puku ga se ya swanela go fetolwa ka mokgwa ofe goba ofe. Go kgopela tumelelo ya go gatiša puku o ka ikgokaganya le bagatiši.

One Heart
17 Pelikaan Street
Stellenbosch, 7600
South Africa
www.oneheartforkids.co.za

Mongwadi: Dr. Mapula Martha Malatji
Mothaladíswantšho: Jonanda Kannemeyer
Morulaganyi: Elizabeth Phala
Motlanyi: Imprint Publishing

Dikanegelo Tša Beibele
TESTAMENTE YA KGALE

**EXODUS 19-20, 24
32 le 34**

MELAO
YE LESOME

Letšatšing la pele la kgwedi ya boraro, morago ga ge Balseraele ba tlogile Egepeta, ba ile ba fihla Leganateng la Sinai. Ba hloma mešaša moo ka pele ga thaba.


Moshe a bitša baetapele ba setšhaba go ba botša mantšu ka moka ao Morena a mmoditšego. Setšhaba sa araba mmogo sa re “Re tla dira tšohle tše Jehofa a di boletšego!” Moshe a ya go botša Morena seo se boletšwego ke setšhaba.

Jehofa a re go Moshe: “Bona, ke tla go wena ka leru le letelele. Bjale setšhaba se ka kwa ge ke bolela le wena, sa go dumela mehleng yohle.

Ke moka Moshe a eta setšhaba pele ka ntle ga mešaša go yo kgahlana le Modimo. Ba ema tlase ga thaba.

Thaba ya Sinai e ile ya apešwa ke muši gobane Jehofa o be a theogetše go yona ka mollo. Muši wa tšhologa go tšwa go yona bjalo ka muši wo o tšwago sebešong. Thaba ka moka ya thothomela o šoro. Ge modumo wa phalafala o dutše o hlaboša le go feta, Moshe a bolela, gomme Modimo a araba.





Modimo a botša Moshe gore a rotoge le Arone, a botše setšhaba gore ba se ke ba batamela thaba, ba lete ka gore ba tla hwa.

Moshe a re go Jehofa: "Setšhaba se ka se rotogele Thabeng ya Sinai gobane wena ka noši o re lemošitše ka gore: "Bea mellwane go dikologa thaba gomme o e bee ka thoko e le e kgethwa."

Ge batho ba bona diaduma le magadima, ba ekwa phalafala, ba bona thaba e tuka Muši, ba thothomela ka poifo. Ba dula kgole. Ba re go Moshe: "Bolela le rena ka noši, re tla theeletša. Eupša, se dire gore Modimo a bolele le rena ka gore re tla hwa."

Moshe a re go setšhaba: "Se boifeng, Modimo o tlike go le leka, gore poifo ya Modimo e be le lena gore le se ke la dira dibe."



Ge Moshe a rotogela thabeng, leru la e khupetša. Letago la Jehofa la dula Thabeng ya Sinai.

Ka matsatši a tshelago leru la khupetša thaba. Ka letšatši la bošupa Morena a bitša Moshe a le ka gare ga leru. Go Balsiraele, letago la Jehofa le be le swana le mollo wo o fišago godimo ga thaba.

Ke moka Moshe a tsena lerung ge a dutše a rotogela thabeng. A dula thabeng matsatši a masome a mane le mašego a masome a mane.

Ge Morena a fetša go bolela le Moshe Thabeng ya Sinai, a mo fa diphaphathi tše pedi tša molao wa kgwerano, e lego matlapa a maswika ao a ngwadilwego ka monwana wa Modimo.



פֶּלֶא חֵירוֹ
לֹא תִלְבֵּשׁ
לֵבוֹשׁ רַע
לֵבוֹשׁ רַע
לֵבוֹשׁ רַע
לֵבוֹשׁ רַע
לֵבוֹשׁ רַע
לֵבוֹשׁ רַע
לֵבוֹשׁ רַע
לֵבוֹשׁ רַע

פֶּלֶא חֵירוֹ
לֹא תִלְבֵּשׁ
לֵבוֹשׁ רַע
לֵבוֹשׁ רַע
לֵבוֹשׁ רַע
לֵבוֹשׁ רַע
לֵבוֹשׁ רַע
לֵבוֹשׁ רַע
לֵבוֹשׁ רַע
לֵבוֹשׁ רַע

Melao ye Lesome ke ye:

Rapela Modimo: Rata le go rapela Modimo go feta tšohle ka gobane Modimo ke yena ya bohlokwa kudu.

Ga go na medingwana: O se ke wa rapela dilo tše dingwe. Rapela Modimo o tee wa therešo feela.

Hlomphe leina la Modimo: Diriša leina la Modimo ka kelohloko le tlhomphe. O se ke wa le diriša ka tsela e kgopo goba ya lefeela.

Boloka Sabatha e kgethwa: Khutša gomme o fetše nako le ba lapa le Modimo ka letšatši le le kgethegilego la go khutša.

Hlomphe batswadi ba gago: Theetša batswadi ba gago gomme o ba bontšhe tlhomphe ka gobane ba go hlokomela.

O se ke wa bolaya: Le ka mohla o tee o se ke wa gobatša motho yo mongwe goba wa bolaya.

Eba yo a botegago: Eba yo a botegago le go botegela monna wa gago goba mosadi wa gago ge o gola gomme o nyala.

Ga go na go utswa: O se ke wa tšea dilo tšeo e sego tša gago. Hlompha dilo tša batho ba bangwe.

Bolela therešo: Ka mehla bolela therešo gomme o se ke wa bolela maaka ka ba bangwe.

Thabela seo o nago le sona: O se ke wa hufegela dilo tša batho ba bangwe gomme o thabele seo o nago le sona.

Ke moka Moshe a theoga thabeng a swere diphaphathi tše pedi ka diatleng tša gagwe, gore a kgone go di abelana le Baisiraele.



Thapelo

Morena, ge ke se na bonnete bja gore ke dire eng, hle nkgopotše gore Melao ye Lesome e tla nthuša go dira dikgetho tše di nepagetšego.

Dipotšišo

1. Mo melaong ye lesome, o palelwa ke ofe go o phethagatša? Ke ka lebaka la eng?
2. Molao wa Modimo o reng ka wena go batswadi?
3. Naa batho ba go utswa ba itshepile eng?
4. Melao ye Lesome e be e ngwadilwe mo kae?
5. Goreng Modimo a kgethile Moshe gare ga batho ba bangwe?

Kgoši Tau o a Rora

Naa go direga eng? Kgoši ya diphoofolo e bego Tau e be e ipotšisa potšišo ye ka mehla ge e dutše setulong sa yona sa bogoši. Tšatšing le lengwe ya bitša diphoofolo go phuthegela lekgotleng. Ga di a tla ka moka ka go tseba gore tau e ja diphoofolo. Tše di tlilego ka bobedi ka bobedi e bile dikhudu, mahlalerwa, dikgabo, dinku, mebutla. Thutlwa e tlile e le tee.

“Le ge le sa tla ka moka”, Kgoši Tau a thoma a bolela. Ntheeletšeng! “Ge ke be ke dutše ke nagana, ke bone gore ga le sa latela melao ya ka. Ba bangwe ba lena ba nonne, bangwe ba hwa ka tlala, le a tšwafa. Bjale ke swere puku ya melao, ke tla le balela yona. Lena le arabe ka gore “Kgoši ya rena e boletše.”

Kgoši Tau a bolela gore gosasa ke Mokibelo. Ka Sontaga le tla khutša. Bjale, sepelang le ye go raloka kgwele ya maoto lebaleng la FNB. Ke lebala la majwang a matala. Le tla be le emetše sehlopha sa mošate. Melao ya thaloko yona ši: Go nyakega diraloki tše lesometee. Thutlwa e tla ba moswaradino. Malokwane ga re mo tsebe, lena ba bangwe le ralokele go noša ka ge le tseba gore ke nna kgoši. Ga ke tsebe gabotse gore le ya go phadišana le sehlopha sefe, fela sepelang!



Mo tseleng Thutlwa ya thabela go ba moswaradino ka gore e telele. Dikhudu tša re tšona ka gongwe di ka se kgone go kitima ka gore di sepela di rwele dintlo tša tšona tša boima. Mahlalerwa a bolela gore ge e le mosegare ga a bone gabotse, eupša a tla apara digalase tša leswiswana. Dikgabo tša bolela gore di mahlatšana di tla bontšha baraloki ba bangwe mehlolo. Mebutla ka go rata dilo, ya golofela gore tau e ka se sa di ja. Dinku tša ikgomolela ka gore le ge di tlhabiwa ga di tlhabe mokgoši. Bjale diphoofole di lekane palo ya mohuta wo wa thaloko.

Di hweditše malokwane e le tlou ka gore e na le molomo wa go swana le nakana. Ka gare ga ditsebe tše kgolo e phuthetše dikarata tše khwibidu go laola moraloko. Ge moraloko o thoma, mebutla ya thoma go tlola molao ka go fula majwang a matalana. Mahlalerwa ka go se rate seo, a tlola molao ka go ja mebutla. Tlou ya malokwane ya ntšhetša mahlalerwa kua ntle ga lebala ka karata ye khwibidu. Bjale go šetše go fokotšegile ka diphoofole tše nne. Go šetše tše kae ka lebaleng? Dikhudu le tšona di be di lapile.

Dikgabo tša ikela moo di ratago ge di šetše di lemogile go sa thuše selo go iša pele ka thaloko. Thutlwa ka botelele, e bone tše di diregilego, e tla begela Kgosi Tau. Dinku tša fihla go kgoši, tša kgopela gore diphoofole tše di sa obamelago melao di swarelwe melato. Di tla thoma ka leswa. Moraloko o fedile ka go se noše selo.



Thapelo

Modimo Tate re thuše go go boifa gore re diragatše melao ya gago. Re amogele gape mmušong wa gago.

Dipotšišo

1. Efa maina mararo a diphoofolo tše o di tsebago tše di sa yang lekgotleng.
2. Ge o ka be o le malokwane, o be o tla dira eng?
3. Ke ka lebaka la eng mebutla e ile ya ja mabjang a lebala la dithaloko?
4. Go ile gwa šala baraloki ba ba kae ka lebaleng?
5. Bapetša diphoofolo tša diraloki go ya ka dipopego tša tšona.
6. Dinku di kgopetše Kgoši Tau go dira eng?


Mantšu a maswa

FNB = lebala le legolo la dithaloko mo Afrika-Borwa


Mokgoši = lešata

Mahlatšana = maano


Melao ye Lesome ke ye nngwe ya dipuku tše 20 tše di bontšhago dikanegelo tše 10 tša Testamente ya kgale le tše 10 tša Testamente ye ntshwa, moo ye nngwe le ye nngwe ya tšona e nago le ditiragalelo-maphelong, di ithekgile ka tša Beibele.



Puku_1



Puku_2



Puku_3



Puku_4



Puku_5




Puku_6




Puku_7




Puku_8



Puku_9



Puku_10



Puku_11




Puku_12




Puku_13



Puku_14




Puku_15



Puku_16




Puku_17



Puku_18



Puku_19



Puku_20

Melao ye Lesome

Pukung ye, re ithuta ka moo Moshe a ilego a bolela le Modimo Thabeng ya Sinai. Re tla ithuta gape ka melao ye lesome ya go ngwalwa ke Modimo ka monwana wa gagwe diphaphathing tša maswika, le ka fao Moshe a fologileng thaba go fa batho melao.

Kgoši Tau e a Rora

Mo kanegelong ye, re tla ithuta ka moo batho ba ikhwetšago mathateng ge ba sa latele melao ya moraloko. Re tla ithuta gape ka ga Kgoši Tau, malokwane, bao ba rutilego baraloki go raloka gabotse le go latela melao ya thaloko.



9781776475520

Sepedi